

მწყამსი



მწყემსმან კეთილმან სული
თვის დაჰსდვის ცხოვართთვის
იონ. 10—11.

№ 11

1883—1908 წ.

15 ივნისი

ზ ი ნ ა ა რ ს ი.

სალიტერატურო განყოფილება: იმერეთის ეპარქიის სამღვდლოების დეპუტატების უკანასკნელი კრების შესახებ, დამსწრესი.—ჩვენ ობლები არა ვართ.—ერნესტ რენანი და მისი წიგნი „ცხოვრება იესოში“.—ნამდვილი მართალი, მართლის მთქმელისა.—ბიბლიოგრაფია, მახარობელისა.—რუსეთის პრესისა ექსარხოსის მოკვლის შესახებ.—ახალი ამბები და შენიშვნები.


სწავლა და მცენიერება ძრისტიანობრივ საზღვარსა და კეთილ-ზნობაზე:—სიტყვა, თქმული 2 მარტს ყვირილის ეკლესიაში, დეკ დ. ღამბაშიძის მიერ. რედაქციის პასუხი.—შეწირულება, მღვ. დ. ლოსაბერიძისა.

იმერეთის ეპარქიის სამღვდლოების დეპუტატების უკანასკნელი კრების შესახებ.

როგორც იცვან მკითხველებმა ამა თვის ოთხ რიცხვს იყო დანიშნული კრება სამღვდლოების დეპუტატებისა. ოთხს ივნისს შეკრებილმა დეპუტატებმა თავსმჯდომარედ აღირჩიეს დეპუტატი მღვ. ი. ფანცხავა. მეორე დღეს მოვიდნენ თითქმის ყველა დეპუტატები, მაგრამ საქმის მსჯელობას ვერ შეუდგნენ, რადგან მღვდელმთავარი ტფილისში ბრძანდებოდა. ზოგიერთი დეპუტატები ამტკიცებდნენ, სანამ თავსმჯდომარე არ იქნება დამტკიცებული მღვდელთ-მთავრისაგან კრება მსჯელობას ვერ შეუდგებო. ბევრი უმტკიცა დეპუტატებს დეკ. ღამბაშიძემ, რომ კრებისგან უმეტესი ხმით აღრჩეული თავსმჯდომარე კანონიერად ითვლება და საჭირო არ არის მღვდელთ-მთავრისაგან სიტყვის დაწერა: „ვამტკიცებ“-ო, საჭიროა მხოლოდ თავსმჯდომარის აღრჩევას სიგელი აჩვენონ და მღვ-

დელთ-მთავარიც უნდა აწერდეს: „ვნახე“ და არა „ვამტკიცებ“-ო, მაგრამ ვერ დააჯერა დეპუტატები: ხუთს დილით შეკრებილმა დეპუტატებმა მატარებლის გამოსვლადმდე მოისურვეს, რომ კერძოდ მოელაპარაკოთ ყველა იმ კითხვებზე, რომლებზედაც უნდა ჰქონებოდათ მსჯელობა. სხვათა შორის დეკ. დ. ღამბაშიძემ მოახსენა კრებას შემდეგი:

ძლიერ სასიამოვნო არის, რომ მწყემთ-მთავარმა დაწვლილებით გეაცნობა სამღვდლოებას ყველა ის კითხვები, რომლებზედაც უნდა მსჯელობა ვიპოვოთ ამ კრებაზე. სამღვდლოებას თავიანთ საბლაჟინო კრებებზე, რასაკვირველია, უნდა შეემუშავეთ ადგილობრივ ყველას კითხვები და თავიანთი აზრი და შეხედულება ამ კითხვების დაკმაყოფილების შესახებ გარდაეცათ არჩეული დეპუტატებისათვის, მაგრამ არა გვჯერა, რომ ეს ასე მოხდარიყოს სადმე. კითხვები პირდაპირ არის დაყენებული. ითხოვენ ფულს და არა ცოტას. აქვს თუ არა სამღვდლოებას ამას არავინ კითხულობს. მე კარდად მახსოვს, რომ სამღვდლოების კრებამ დაწვლილებით აწერა თავისი მდგომარეობა და ის უაჯობა, რომელიც მას ემართება სხვა და სხვა ხარჯების დაკისრებით, რომელ ხარჯთაგან ყველგან მთელს იმპერიაში სამღვდლოება თავისუფალაა. ორ-სამ გზის ითხოვა სამღვდლოების კრებამ ამ საგნის შესახებ განთავისუფლება ამ უაჯაო ხარჯებისაგან, მაგრამ არავინ პასუხი არ გასცა. მღვდელთ-მთავრებმა გამოგვიცხადეს, რომ წარადგინეს ჩვენი თხოვნა, მაგრამ პასუხი არ გავცესო. საჭიროა გავიგოთ ეს ჩვენი თხოვნა-მუდარება მიდის სინოდამდის თუ არა? არ მჯერა, რომ სინოდმა ჩვენს თხოვნაზე არაფერი არა სთქ-



ვა. თუ არ აღასრულებს ჩვენს თხოვნას უარს მინც გვეტყვის. როგორც მესმის სამღვდელოების კრებას არავითარი ფულის გარდახდის თავი არა აქვს, მაგრამ ამ უარის თქმასაც დასაბუთება უნდა, თორემ საცინად ასაგდები გავხდებით ყველასაგან. წინეთაც გამოცხადებია ის რასაც ეხლა მოგახსენებთ, მაგრამ სამღვდელოების კრებამ ყურადღება არ მიაქცია, დღეს, იმედია, სამღვდელოებამ ძალაუფლებურად უნდა მიაქციოს ყურადღება, რადგან ფულებს თხოვრწ და მას ეს ფულები არა აქვს.»

„აი საქმე რაშია. მთელს იმპერიაში ყველგან ეპისკოპოსების, მათი სასახლეების, კათედრის საკრებულო ტაძრების, კანცელარიების, კონსისტორიების და ნორმალური სემინარიის და სასწავლებლების კლასების შესანახავი ხარჯი სახელმწიფო ხაზინის ფულებით იფარება. ასეა ყველგან მთელს იმპერიაში. მაგრამ მხოლოდ ჩვენი საცოდავი ეპარქიებია გამოკლებულნი. ყველა ამ ზემო ჩამოთვლილ ხარჯების დასაფარავად ჩვენი ლატაკი ეკლესიების და მონასტრების მამულების შემოსულ იჯარის ფულებიდან ხარჯვენ და ჰგონიან, რომ ხაზინის ფულებს გვაძლევენ...“

უნდა შეიტყოს კრებამ მისმა თხოვნებმა მიაღწიეს თუ არა სინოდამდე. თუ მიაღწიეს რა ბრძანა სინოდმა? თუ სინოდმა არ მიაქცია ყურადღება სამღვდელოებამ უნდა სთხოვოს თვით ხელმწიფეს. წინააღმდეგ შემთხვევაში სამღვდელოებას არ შეუძლია რამე შემწეობა აღმოუჩინოს ვისმეს და მოთხოვნილი ხარჯები დაფაროს. „დეკ. ლამბაშიძემ სხვა ბევრი მოსახრებაც მოიყვანა ამ კითხვის შესახებ.

მთელმა კრებამ მოიწონა წინადადება დეკ. დ. ლამბაშიძისა და თავს მჯდომარეს წინადადება მიეცა, რომ ჟურნალი შეედგინა ამ კითხვის შესახებ როცა კრება გაიხსნებოდა. შუადღის დროს მობრძანდა ყ-დ სამღვდელოც. წავიდა თავს მჯდომარე მღვდელთ-მთავართან, რომელსაც კრებამ დაავალა, რომ ეთხოვა ყ-დ სამღვდელოსთვის კრება გადადებულიყო, რადგან სამღვდელოებას არავითარი ცნობები არა აქვს შეკრებილი კითხვების გადასაწყვეტად.

თავსმჯდომარე დაბრუნდა ყ-დ სამღვდელოსაგან, მაგრამ კრების გადადებაზე თანხმობა ვერ მოიტანა მათი მეუფებისაგან. დებუტატებმადებუტაცია გაგზავნა და განმეორებით სთხოვა მათ მეუფებას,

რომ კრება გადადებულიყო შემდეგი დროისათვის. მათი მეუფება დათანხმდა მოკლე დროით გადადებულიყო კრება, მაგრამ მიზეზი კრების გადადებისა ყოფილიყო მოყვანილი მართლა საპატივო და პატივსადები.

მათი მეუფებაც მობრძანდა კრებაზე და მგრძნობიარე სიტყვით მიმართა კრებას. ამ სიტყვაში დაასურათა სამწუხარო მდგომარეობა ჩვენი სასწავლებლებისა და განსაკუთრებით ყურადღება მიაქცია სამღვდელოების კრებისა სანთლის საქმის წარმოებაზე. მისცა მთელ კრებას დარიგება თუ როგორი წესით უნდა მსჯელობდენ სხდომებზე და როგორ მაგალითს აძლევდენ გარეშე მაყურებელთა თავის მოქმედებით და მსჯელობით.

„დარწმუნებულნი იყავით, მამანო დებუტატნო, ბრძანა მათმა მეუფებამ, რომ ჩემი გულითადი მაცადინობა და სურვილი მხოლოდ ის იქნება, რომ სარგებლობა მოუტანო საზოგადო საქმეს და თქვენსას განსაკუთრებით. თუ მართლა კრების გადადება გამოწვეულია საპატიო მიზეზისა გამო მე თანახმა ვარ, მაგრამ მხოლოდ ერთი თვის შემდეგ უთუოდ ისევ უნდა შეიკრიბოთ და მსჯელობა იქონიოთ ყველა იმ კითხვებზე, რომელიც მე გამოგიცხადეთ ცირკულიარული მოწერილობით.

მცირე კამათის შემდეგ სამღვდელოებამ დაადგინა: დაინიშნოს ხუთი კომისია; ერთმა კომისიამ შეკრიბოს ყველა საჭირო ცნობები სასულიერო სასწავლებლის დღევანდელს მის მდგომარეობაზე; მეორემ შეკრიბოს ესეთივე ცნობები ქალების სასწავლებელზე; მესამე კომისიას დაევალოს ცნობების შეკრება დღევანდელ სამღვდელო და საპრიჩეტნიკო კანდიდატების აღრჩევაზე მრევლთაგან და სხვა სამღვდელოების საჭიროებაზე; მეოთხე კომისიას დაევალოს ცნობების შეკრება სანთლის წარმოების და საეკლესიო ნივთების საწყობის მდგომარეობაზე და მეხუთე კომისიას დაევალოს შეკრება ცნობათა თუ რა შედეგი მოყვა სამღვდელოების თოვნას ჩვენი საეკლესიო ხაზინის ფულების განთავისუფლების შესახებ, ყველა კომისიებისათვის დაასახელეს სამღვდელო პირები და ამის შემდეგ კრება გადიდა მეორე დღისათვის დამზადებულ ჟურნალზე ხელსი მოსაწერად.

გაგრძელება ექნება

დასწრე.

ჩვენ ობლები არა ვართ.

(თარგმანი)

ამ წმიდა ღვთისმშობელში მე უნებლიეთ მაგონდება სიტყვები აღდგომილის მაცხოვრისა ჩვენისა: „არა დაგიტყვენე თქვენ ობლად“ (იოან. 14,18). ძმაო— ქრისტიანო, ერთ წამს მაინც ჩაუფიქრდი შენც ამ საუცხოვო სიტყვებს, რა მრავალ-მნიშვნელოვანია იგინი, რა ტკბილ-სასიამოვნოა, რა მანუგეშებელია ჩვენთვის.

ობოლი... ეს სიტყვა ჩვენთვის ნაცნობია და აღვილად გასაგებია. ობოლს უძახიან ქვეყნად ისეთს ბავშვს რომლებსაც მშობლები დაეხოცა, აღარა ჰყავს მამა, ან დედა. ვის გულში არ აღძრავს ეს სიტყვა მძიმე ფიქრებს და გრძობებს? ვის არ დაენანება ობოლი, ვინ არ მიუაღერებს მას? რომელი შვილების-მოყვარული მამა თავის სიკვდილის წინ არა სცდილობს როგორმე ანუგეშოს თავის მწუხარე შვილები? რომელი მამა ამ დროს არ ლოცავს თავის შვილებს და კეთილი არ უნდა მათთვის? რომელი მამა არ აღუთქვამს თავის შვილებს, რომ არ გასწყვეტავს მათთან კავშირს სიკვდილის შემდეგაც?

ჩვენ ვართ შვილები ზეციერის მამისა. ქრისტე მაცხოვრის ამალლების შემდეგ ზეცას, ჩვენ თითქოს დავრჩით ამ ქვეყნად უმამოდ, დავრჩით ობლებად. მაგრამ როგორი გულითაღი მზრუნველია და მოსიყვარულეა ჩვენი ზეციერი მამა. როგორც ქვეყნიური მამა, ისიც გვაძლევს ჩვენ ნუგეშს. და რანაირი ნუგეშს? ის გვეუბნება ჩვენ: აი მე უნდა ავმალდე ზეცად, მაგრამ თქვენ ამაზე ნუ შესწუხდებით, „არა დაგიტყვენე თქვენ ობლად.“ ამნაირად, ქრისტე ამალდა ზეცას, დასტოვა დედა-მინა, დაგეტოვა ჩვენ, მაგრამ ჩვენ არ დავრჩით „ობლებად“. რა დიდი ბედნიერებაა ეს, რა ნეტარებაა, რომ არასოდეს მამა არ დაჰკარგო, არასოდეს „ობოლი“ არ იყვე. ქვეყანამ თავის ცხოვრებაში ამის მსგავსი არა იცის-რა. ჩვენ არასოდეს არ გვინახავს და ვერც ვნახავთ, რომ ვინმე და როდისმე ობლად არ დარჩენილიყვეს,

მაშ გიხაროდეთ და მხიარულ იყვენით ქრისტე მაცხოვრის ამ სიტყვების მოსმენაზე: „არა დაგიტყვენე თქვენ ობლად.“ მიულოცეთ ერთმანეთს ეს სიხარული. უთხარით ყველას, რომ ჩვენ

აქ დედამიწაზედაც არა ვართ „ობლად“. ქვეყნიურ რომელ ბედნიერებაზე შეიძლება გაიცვალოს ეს ჩვენი სიხარული? ნუ გავცვივით ჩვენ ამ სიხარულს ნურავითარ ქვეყნიურ პატივსა და დიდებაზე, ან ოქრო-ვერცხლზე. ჩვენ ობლები არა ვართ... ამ სასიხარულო ამბით, ამ საუცხოვო სიტყვებით ჩვენ გულს მოეფინება ნათელი მწუხარების დროსაც-კი, განათლდება გული სიღარიბეშიაც, როდესაც პური და ტანისამოსიც-კი დაგვაკლდება. გაგვინათლდება გული, როდესაც ჩვენ სასჯელშიაც-კი მიგვცემენ. როდესაც ღრმად ჩაუფიქრდები მე ამ სიტყვას, უფრო დაბეჯითებით ვრწმუნდები, რა ნამდვილად მართალია იგი. მაცხოვარს არა ერთხელ უთქვამს ეს ხალხისათვის, ამბობდა მხოლოდ სხვა სიტყვებით. რანაირი გულითადის გრძობით სცდილობდა ის ჩაენერგა ეს აზრი თავის მოწაფეების და მორწმუნეების გულში. რანაირათ სცდილობდა ის გაექარებინა მოციქულების გულში ყოველივე წარმოდგენა, რომ მომავალში ის უნდა დაშორებოდა მათ. ბევრჯელ ეუბნებოდა ის იმათ, რომ ეს დაშორება არასოდეს არ მოხდება. ბევრჯელ ეუბნებოდა ის იმათ, რომ ის ყოველთვის უხილავად იმათთან იქნება და ყოველ მის მორწმუნესთან. და მართლაც იგი ყოველთვის ჩვენთან არის. არასოდეს, სულ ცოტა ხანსაც-კი, არ დაგეტოვებს ის ჩვენ მარტოდ. ის დაგვირდა ისეთ დაახლოვებას, რომელიც მისი ქვეყნად ცხოვრების დროს თითქმის შეუძლებლად სჩანდა. და განა ეს ნამდვილად სიმართლე არ არის?

აი ის ეუბნება ყოველ მის მორწმუნეს: „მე შევიყვარო იგი, და გამოუცხადო მას თავი ჩემი“. აი კიდევ ამბობს: „და მოვიდეთ მისსა, და მისთანა დავადგრეთ.“ (იოან. 14,21,23). ჩაუფიქრდით, რას ნიშნავენ ეს საუცხოვო სიტყვები: თვითონ ქრისტე გამოეცხადება ყოველ მორწმუნეს... ჩაუფიქრდით რას ნიშნავენ ეს სიტყვებიც: ის არამცთუ გამოემცხადება მორწმუნეს, არამედ დაადგრება მისთანა. როგორ მომეტებულ დაახლოვებაზედ-ღა შეიძლება ლაპარაკი, რომელსაც ქრისტე ჰპირდება თავის მორწმუნეს? აბა რომელ მომაკვდავ მამას შეუძლიან ესე დაახლოვებული იყვეს თავის შვილებთან? და მასთან, ქრისტე გვირდება არა მხოლოდ ერთხელ გამოცხადებას. ქრისტე მარადის „ახლოა“ ჩვენთან. „აჰა ესერა, ვჰსდგა კარსა

ზედა, და ვრცე. უკეთეს ვინმე ისმინოს ხმისა ჩემისა, და განაღოს კარი, შევიდეს მისთანა, და ვსჯამო მისთანა სერი, და მან ჩემთანა“ (გამოცხადება იოან. 3,20),—აი იმისი სიტყვები. ვინლა იქნება ჩვენთან ახლო ქრისტე მაცხოვარზე? და კიდევ ის ამოხსნა: სადაც ორი ან სამია შეგროვილი იმის სახელით, ის იმათთან არის. და კი არ იფიქროთ, რომ ქრისტე მაცხოვარი მხოლოდ ხან და ხან, ან მხოლოდ რომელიმე დროს არის ჩვენთან ესე ახლოს. არა, ის ყოველთვის განუწყველად ჩვენთან არის. არ შეიძლება წარმოდგენა ქვეშაობითი ქრისტიანის ცხოვრებაში ისეთი წამისა, როდესაც ის იმასთან არ იყვას. დღე და ღამე, დღეები და თვეები, წლები და საუკუნოები, სულ მთლად მარადის, იგი ყოველთვის ჩვენთან არის. მოისმინეთ აბათითონ იმან რა სთქვა ამაზე: „აჰა ესერა, მე თქვენთანა ვარ ყოველთა დღეთა, და ვიდრე აღსასრულამდე სოფლისა“ (მათ. 28,20).

მაშასადამე, ჩვენ „ობლები“ არა ვყოფილვართ; მამა მარადის ჩვენთანაა. მომეტებული სიხარული აღარ გვინდა ჩვენ ქვეყნად. მხოლოდ ამ სიხარულით აღამიანს შეუძლიან ყოველ წუთს მშვიდობით მოელოდეს სიკვდილს.

მაგრამ როდესაც ვუცქერი თქვენ სახეს, და ვუკვირდები თქვენი სულის ვითარებას, მე ვამჩნევ თქვენში არა პატარა შედრწუნებას. მე ვკითხულობ თქვენ სულში: როგორ? ამდენი ხანი გავიდა ქრისტე მაცხოვრის ამალღების შემდეგ, და იგი ჩვენთან არის? განა მთლად ოცი საუკუნე არა სძევს ჩვენსა და იმის შუა? განა ჩვენ არ შევნატრით იმათ, ვინც თავის თვალთ ნახეს იგი, თავის ყურებით მოისმინეს მისი ლაპარაკი, თავისი ხელები შეახეს მას? განა ჩვენ ყოველთვის იმას არ ვამოვბთ, რა ბედნიერნი ვიქნებოდით, რომ იმ დროს გვეცხობრნა? და განა შესაძლებელია გაფიქრებაც-კი ქრისტეს ასეთ დაახლოვებაზედ ჩვენთან?

ახ, რა კარგად მესმის მე ყველა ეს თქვენი იქნეულობა, რა კარგად ვგრძნობ, თვითონ განვიცდი. ამ დროებაში ყველა ჩვენ ისე შორს წავედით ქრისტე მაცხოვრიდან, ისე საფუძვლიანად დავივიწყეთ მისი მცნებები, ისე გადავასხვაფერეთ მისი სწავლა იმ მიზნით, რომ დავმალეთ ბნელი მხარეები ჩვენის უხეირო—ლატაკი ცხოვრებისა, ისე ნაკლებად გვესმის იგი, რომ სხვანაირი ფიქრებით

აღარ-კი შეგვიძლიან მოვისმინოთ საუცხოვო სიტყვები მაცხოვრისა მის სამუდამოდ ახლოს-ყოფნაზე ჩვენთან. აღარ ვაზობ იმათზე, ვინც დიდი ხანია გასცვალა ერთად-ერთი ზეციური მეგობარი ქვეყნიურ მეგობრებზე, თავისი ერთად ერთი მასწავლებელი ქვეყნიურ მასწავლებლებზე.

მაგრამ აბა ცოტათი მაინც ჩაუფიქრდეთ ქრისტე მაცხოვრის ამ სიტყვებს. ხომ არ ენახავთ ჩვენ სულშიაც პატარა ადგილს მაინც მკვდრეთით აღდგომილისათვის?

სახარებაში ჩვენ გვაქვს ნამდვილი საბუთები ქრისტე მაცხოვრის ახლო ყოფნაზე ჩვენთან. ჩვენ დავგრძენია მხოლოდ გულ-ანდილათ ვკითხვით ჩვენ თავს: გვრწამს ჩვენ სახარება, თუ არა? თუ გვრწამს მაშ ისიც უსათუოდ უნდა გვრწამდეს, რომ ქრისტე მარადის ჩვენთანაა. თუ-კი ჩვეულებრივი კარგი კაცი ყოველთვის ნამდვილად ასრულებს თავის სიტყვას, მაშ, მით მომეტებულად შეასრულებს თავის სიტყვას ქრისტე მაცხოვარი, ძე ღვთისა. ვის შეუძლიან ამაში ეჭვი შეიტანოს? ღვთისთვის არავითარი სიტყვა შეუძლებელი არ არის...

და არა მარტო გულის-ხმობით ჩვენ ვრწმუნდებით ქრისტე მაცხოვრის ახლო ყოფნაში ჩვენთან. ვგონებ, არც ერთი ფაქტი არ არის ისე დაწვლილებით შემოწმებული ისტორიაში, როგორც ფაქტი მკვდრეთით აღდგომილის გამოცხადებისა სხვა და სხვა პირთათვის, სხვა და სხვა დროს, როგორც ფაქტი მისი მარადის ახლო ყოფნისა მორწმუნეებთან. ჩამოვთვალოთ თუნდაც რამდენიმე მათგანი. წმიდა დედათა ნახეს მის საფლავთან ან-გელოზი, რომელმაც უთხრა მათ ქრისტეზე: „იგი ცოცხალია“. მარიამ მაგდალინელი ელაპარაკებოდა თითონ ქრისტეს. ის გამოეცხადა სვიმონ-პეტრეს. აი მიდიან მოწაფეები იერუსალიმიდან სოფელს ემზუსში და ფიქრობენ, რომ ქრისტეს სიკვდილის შემდეგ მათ აღარა დარჩენიათ-რა იქ. ქრისტე მაცხოვარი გამოეცხადა მათ გზაზე და აავსო მათი გული ისეთი არა ქვეყნიური სიხარულით, რომ ისინი მაშინვე დაბრუნდნენ იერუსალიმში თავიანთ ძმებთან ის. გამოეცხადა თერთმეტ მოწაფეს. რა ნაცნობი იყო მოწაფეებისათვის ეს მისი საუცხოვო ხმა; მისი ქვეყნიური ცხოვრების დროს მოწაფეებს რამდენჯერ მოუსემნიათ ეს საუცხოვო სიტყვები: „მშვიდობა თქვენთანა“. ეს კიდევ ცოტაა... ის

ეუბნებოდა მათ; „იხილენით ხელნი ჩემნი და ფერხნი; რამეთუ თავადი მე ვარ. და ესერა ჰსთქვა, უჩვენა მათ ხელნი და ფერხნი მისნი“. ხოლო იოანე მახარებელი ამას კიდევ მიუმატებს: „და გვერდი“. „ხელი შემახეთ მე და იხილეთ, რამეთუ სულსა ხორც და ძვალ არა ასხენ, ვითარცა ესე მე მხედავთ, რამეთუ მასხენ“. (მათ, 24, 39). ბოლოს ის გამოცხადდა „ხუთასს კაცსა“...

შემდეგაც ქრისტე არ ანებებს თავს მოწაფეებს, სადაც-კი მიდიოდნენ ისინი საქადაგებლად მისი მოძღვრებისა. ყოველთვის იგი იმათთანაა. იგი აძლიერებს მათ, შემწეობას აძლევს ცხოვრების გაქირვებულ მღვდმარგობებში, რომელშიაც ჩაცვივდებოდნენ ხოლომე ისინი. მოგაგონებთ თქვენ აქ ერთ შემთხვევას პეტრე მოციქულის ცხოვრებიდან: იგი იყო უკვე ღრმად მოხუცებული. ცოტა ხანი-ღა დარჩენოდა იმას ქვეყნად ცხოვრება; თავის ზეციურ მოძღვრის სახელის გამო ის ხშირად განიცილებოდა ტანჯვას. ქალაქ რომში, სადაც ის სცხოვრებდა, დაიწყო სასტიკი დევნა ქრისტიანებზე. მტრები ქრისტიანებისა ეძებდნენ წმ. მოციქულს მოსაკვლელად, როგორც წინამძღოლს რომის ქრისტიანებისას და მიზეზს ქრისტიანობის გავრცელებისას იქ. შეირყა გული დიდის მოციქულისა... იმან თავი დაანება რომის ქალაქს. როდესაც წმ. მოციქული ქალაქ გარედ გამოვიდა და მიდიოდა, მაშინ გზაზე შეხვდა მას ქრისტე. განცვიფრებულმა ასეთი მოულოდენელი შეხვედრით, მოციქულმა ჰკითხა მას:

—სად მიდიხარ შენ, უფალო?

—მივდივარ მე რომში, რომ ავიღო შენი ჯვარი, რომელსაც შენ გაექვეცი.

შეკრთა მოციქულის გული. გაიგო მან თავისი შეცდომა. დავარდა მაცხოვრის ფეხებ წინ და უთხრა:

—ნუ წახვალ, უფალო, იქ. მე მივდივარ რომში და იქიდან აღარსად წავალ, რა ნაირი ტანჯვაც უნდა მომელოდეს იქ. ის მართლაც დაბრუნდა რომის ქალაქში და იქ დაასრულა თავისი სიცოცხლე მოწამებრივ. ამნაირად განამხნევებდა ქრისტე თავის მოწაფეებს.

(*იქვე იქნება*).

მთ. იოანე ნუყიანავი.

მარნეშტ რენანი და მისი წიგნი „ცხოვრება იესოსი“.

მოკლე ცხოვრების აღწერა ერნესტ რენანისა

ყოზეფ ერნესტ რენანი დაიბადა 1823 წ. 27 თებერვალს საფრანგეთის პროვინციის ბრეტონიის პატარა ქალაქს ტრეგიეში. მამა მისი იყო ღარიბი მეზღვეური, ის დაიბადა ზღვაში 1828 წელს, როცა ერნესტი მხოლოდ ხუთი წლის ბავშვი იყო და მიტომ მას შვილზე არავითარი გავლენა არა ჰქონია.— ტრეგიე უფრო დიდს მონასტერს წაგავდა, ვიდრე ქალაქს. ის სავსე იყო ბერებით და მოლოზნებით, რომლებიც რიცხვით ერისკაცებს აღემატებოდნენ, ეკლესია მონასტრები და სამლოცველოები აქ უფრო მეტი იყო, ვიდრე დუქან-მაღაზიები; საზოგადოდ, ტრეგიეში არ განვითარებულა ქალაქური, ბაზრული ცხოვრება. აქაური მცხოვრებლებიც არ წაგავდნენ ტრანტიის სხვა პროვინციების მცხოვრებლებს, ისინი იყვნენ მორწმუნენი, ღვთის მმოსაგნი და ყველაზე უფრო ერთგულნი შვილნი კათოლიკეთა ეკლესიისა და ამასთანავე ძალიან ცრუმორწმუნენიც. ამ ქალაქში გავრცელებული იყო ბევრი სხვა და სხვანაირი უცნაური ლეგენდები წმიდანების შესახებ, ეს ლეგენდები ხშირად უამბნია პატარა ერნესტისთვის მისს დედას; ამ ლეგენდებმა დიდი გავლენა იქონიეს რენანის ფანტაზიის განვითარებაზე და მათი გავლენით შექმნა მან ახალი ლეგენდური გიპოტეზა სახარების ისტორიულ მოთხრობათა შესახებ.

რენანის დედა დიდი პატივით ეპყრობოდა მღვდლებს და ბერებს, აფასებდა დიდად მათს რჩევა-დარიგებას და აი სწორეთ მათი რჩევით მიიბარა მან თავისი ვაჟი ტრეგიეს დაბალ სემინარიაში, ანუ როგორც მაშინ უწოდებდნენ კოლეჯში. ამ სემინარიაში მასწავლებლებად და აღმზრდელებად იყვნენ პატრები და ბერები რენანის სიტყვით, ისინი არა ყოფილან დიდი მეცნიერები, მაგრამ პატიოსნები და თავისებურად კეთილმსახურნიც იყვნენ.

*) უსწავლელ და უფიც ბიჭებს დააქვს ეს თარგმანი ბაზრობის დროს ხალხში და იახნან: „წიგნი იესოსი, კარგი წიგნია, იყიდეთ!“ მათ არ იციან თუ რა მიზნით ავრცელებენ ჩვენში ზოგიერთი ჩვენი უსწავლელი და უფიცი „ფილოსოფოსები“ ამისთანა წიგნებს; ამისთვის სიამოვნებით ვაძლევთ ამ სტატიას ადგილს ჩვენს გამოცემაში.

მოხუცებულობაშიაც კი პატივისცემით იხსენიებს რენანი ამ თავის პირველ ჭკუის დამრიგებელ, „ღირს მამებს, რომლებიც იყვნენ ყველაზე უპატიოსნესი პირები ქვეყანაზე“.

მაგრამ ეს კარგი კაცები არ ვარგოდნენ მასწავლებლებად. სემინარიაში უმთავრესად ასწავლიდნენ ლათინურს ენას და ლექსებს, ამიტომ აქაური სწავლა არ იყო დამაკმაყოფილებელი, მასწავლებლები უფრო ზნეობრივს მხარეს აქცევდნენ ყურადღებას და სცდილობდნენ, აღეზარდნათ პატიოსანი კაცები და არა მეცნიერები. რენანი აქ, ტრეგიემიც არ იყო თავისუფალი სარწმუნოების საწინააღმდეგო გავლენათაგან. მას ყავდა ბიძა, ხელობით მესაათე, ბიძას ერნესტი ძალიან უყვარდა, თუმცა არ მოსწონდა მისი სემინარიაში სწავლა და ხანდახან ხუმრობით „ლათინურით გატენილ ვირს“ ეძახდა; არც სხვა ნათესავები რენანისა ყოფილან ძალიან ერთგულნი კათოლიკეთა ეკლესიისა, თუმცა, შეიძლება, ცხადად არ იყვნენ ამას; მაგრამ მორწმუნე დედის და პატრებ-ბერების გავლენა უფრო დიდი იყო და ტრეგიემი რენანის სარწმუნოება არ შერყეულა.


1838 წ. რენანმა გაათავა ტრეგიეს სემინარია და თავისი დის ჰენრიეტას რჩევით, რომელიც მაშინ პარიზში მსახურობდა, შევიდა წმ. ნიკოლოზის სემინარიაში, რომლის უფროსიც იყო მაშინ ცნობილი თავისუფალი მოაზრე აბატი დიუბანლუ. დიუბანლუ სრულიადაც არა ზრუნავდა, რომ მისი სემინარიიდან გამოსულიყვნენ მომზადებული ეკლესიის მსახურნი, ის ხელს უწყობდა და აქეზებდა უფრო საერო მეცნიერების შესწავლას. აქ რენანმა პირველად გაიცნო მიშლე, ვიქტორ ჰიგო, ლამარტინი, რომელთა ნაწერებმა დიდი შთაბეჭდილება მოახდინეს და გავლენა იქონიეს მათზე. თავის მოგონებებში რენანი ამოხს: „ჩემი მოსვლა პარიზში იყო გადასვლა ერთი სარწმუნოებიდან მეორეში; ჩემი ბრეტონული ქრისტიანობა ისე გავდა აქაურს, როგორც ძველებური თახახიანი ტილო რბილს და ნახს ბატისტს; აქ სულ სხვანაირად სწამდათ, ვიდრე ჩვენში („ტრეგიემი“). პარიზის სემინარიაში რენანი სულ გამოიცვალა, ბრეტონული მას აღარა შერჩარა, დიუბანლუმ ის სულ სხვანაირ კაცად გარდააქცია.

რენანი 1842 წ. შევიდა უმაღლეს წმ.სულპიცის

სემინარიაში, რომელიც განიყოფებოდა საფილოსოფოსო და საღვთისმეტყველო ნაწილებად. ეს სემინარია ისეთვე სასტიკ კონსერვატორთა გამგეობაზე იყო, როგორც ტრეგიეს დაბალი სემინარია; აქაური მასწავლებლები თავისს თავს წმ. სარწმუნოების დარაჯებად და მცველებად რაცხდნენ, ესენი ყოველთვის და ყოველი საშუალებით სცდილობდნენ ეკლესიის ინტერესების დაცვას; მაგრამ მათ ვეღარ შესძლეს ერნესტ რენანის თავიანთ გზაზე გამობრუნება და გასწორება და ეს უკანასკნელი თანდათან უფრო და უფრო იფლობოდა ურწმუნოების ქაობში. ამ სემინარიის დაბალ განყოფილებაში რენანი სწავლობდა ფილოსოფიას; ის გაიტაცა ქრისტიანობის საწინააღმდეგო ფილოსოფიამ და საერო მეცნიერებამ, იგი უფრო განმტკიცდა სარწმუნოების უარყოფაში. ერთი წლის შემდეგ იგი გადავიდა წმ. სულპიცის სემინარიის უმაღლეს საღვთისმეტყველო განყოფილებაზე. რენანის სიტყვით, აქ ღვთისმეტყველებას საფუძვლიანად ასწავლიდნენ. მაგრამ საქმე იმაშია, რომ მისი სული და გული უკვე დაპყრობილი ყავდა ურწმუნოებას, — მას აღარა სწამდა სასწაული, განცხადება, მადლი და საიდუმლოები; მარტო დოღმატიურ ღვთისმეტყველების შესწავლას არ შეეძლო დაეკმაყოფილებინა მისი ქრისტიანობის საწინააღმდეგო ფილოსოფიით გაყდენთილი გონება; მან სრულიად დაანება თავი ღვთისმეტყველებას და შეუდგა გერმანელ ფილოსოფოსების და სახარების მოწინააღმდეგეთა — შტრაუსის და ბაუერის თხზულებათა შესწავლას;*) ამათ სრულიად დაამხვეს რენანის ისედაც შერყეული სარწმუნოება და მან საესებით მოსპო კავშირი კათოლიკეთა ეკლესიასთან; ეს მოხდა 1845 წელს.

რენანი იყო ფრიად ნიჭიერი და გრძნობიერი კაცი; ის ინახავდა გულში იხსომებდა ყოველსავე, რაც კი მათზე შთაბეჭდილებას მოახდენდა ისე როგორც მაგნიტი იზიდავს ქალაქების ნაჭრებს, მიუხედავად მათი ფერისა, ზომისა და წონისა. სამშობლოში რენანი საესებით და სულ ადვილად დაემორჩილა იქაურს მოთხოვნებს და ლეგენდებს

*) სემინარიის უმაღლეს საღვთისმეტყველო განყოფილებაზე რენანმა შეისწავლა ებრაული ენა, ხოლო უნივერსიტეტში ისმენდა ლექციებს არქეოლოგიაზე.



სიადვილით დაემორჩილა დიუპანლუს გავლენას. იგი აქ ხარბად დაეწაფა მაშინდელს საერო ლიტერატურას, რომელმაც მოამზადა იგი ქრისტიანობის საწინააღმდეგო მოძღვრების ადვილად მისაღებად. წმ. ნიკოლოზის სემინარიაში მას ღვთისწმიდანების შესახებ, ხოლო პარიზში ამ გვარივე მეტყველება არ უსწავლია, რადგანაც აქ არ ასწავლიდნენ მას, ხოლო სულციის სემინარიაში თვითონ აღარ ისურვა ღვთიმეტყველების სწავლა, რადგან მისს გონებაში უკვე ღრმად ჰქონდა ფესვები გადგმული ქრისტიანობის საწინააღმდეგო შეხედულებას; ამ რიგად რენანი არა ყოფილა ღრმად განსწავლული ღვთისმეტყველი და ეს ეტყობა კიდევ მისს ნაწერებს. კრიტიკოსები ფილოსოფოსად არ სთვლიან რენანს. ისინი ვერ ჰპოვებენ მისს ნაწერებში ფილოსოფიურ ცნებათა მწყობრად დალაგებას და მათს თანდათანობითს განვითარებას; ეს კი მოხდა მისგან, რომ რენანს არ შეუსწავლია ფილოსოფია სისტემატიურად, დალაგებით, ის სწავლობდა ნაწყვეტ-ნაწყვეტად.

სემინარიიდან გამოსვლის შემდეგ, რენანი შევიდა უნივერსიტეტში, რომელიც დაასრულა 1847 წელს, და მალე შემდეგ ამისა ვერსალის ლიცეიში მიიღო პროფესორის ადგილი.

1860 წ. შესდგა საფრანგეთში სწავლულთაგან ფინიკიის არქეოლოგიურად გამოძველვეი ექსპედიცია. ნაპოლევონ III სურვილით ამ ექსპედიციის მეთაურობა იკისრა რენანმა. მას დიდიხანა სურდა მოეარნა პალესტინა და ენახა სახარების ისტორიული ადგილები; მას აზრად ჰქონდა დაეწერა კრიტიკული ისტორია ქრისტიანობის წარმოშობის შესახებ და, რასაკვირველია, მორება პალესტინისა, საცა დაიბადა, აღიზარდა და სცხოვრებდა იესო, დამაარსებელი ქრისტიანობისა, დიდს სამსახურს გაუწევდა მას ამაში. რენანმა პალესტინაში თან წაიყვანა თავისი და ჰენრიეტა, მოვლო ყველა ქალაქები, სოფლები და ადგილები, რომლებიც კი მოხსენებულ არიან სახარებაში; ამ ადგილების მოვლას რენანი დიდს მნიშვნელობას აძლევდა— იგი პალესტინას „შეხუთე სახარებას“ უწოდებს. შემდეგ ამისა მან დასწერა თავისი ცნობილი წიგნი „ცხოვრება იესოსი“, რომელიც დაიბეჭდა 1863 წ. ივნისში და რომელიც არი უმცირესი ნაწილი მისი დიდი თხუზულებისა ქრისტიანობის შესახებ.

თავგადასავალი რენანის თხუზულების „ცხოვრება იესოსი“

დიდი აღტაცებით და სიხარულით მიეგებნენ რენანის წიგნს „ცხოვრება იესოსი“ მაშინდელი ლიბერალები, რომლებიც მტრული თვალით უცქეროდნენ კათოლიკეთა ეკკლესიას და ქრისტიანობას; ამ წიგნში ისინი ხედავდნენ სარწმუნოების ძლევას ურწმუნოებისაგან; წიგნი მაშინვე გადიოთარგმნა ევროპის თითქმის ყველა ენაზე, აქამდის უცნობი რენანი ყველამ გაიცნო. სულ სხვანაირად მიეგებნენ რენანის წიგნს კათოლიკეთა ეკკლესიის წარმომადგენელნი, მათ თავზარი დასცა ამ წიგნმა. რომის პაპმა და მღვდელთ-მთავრებმა მაშინვე გამოსცეს ეპისტოლეები მორწმუნეთა მიმართ, რომლებშიაც აუწყებდნენ, რომ ქვეყნად გამოჩნდა ანტიქრისტე რენანიო, პაპის განკარგულებით ერნესტ რენანი განკვეთილ იქმნა ეკკლესიისგან, კათოლიკეთა ჟურნალ-გაზეთები სავსეები იყვნენ რენანის სალანძღველ საგინებელი სტატიებით; რასაკვირველია ამან ყველამ უმეტესად ხელი შეუწყო რენანის თხუზულების გავრცელებას.— მაგრამ მალე დადგა ხანა რენანის თხუზულების გულდამწვიდებით და დადინჯებულად განხილვისა, ბევრი კათოლიკე სწავლულნი შეუდგნენ დარბაისლურად რენანის წიგნის განხილვას და სისწოროთ აღნიშნეს მისი ნაკლულევანებანი.

გერმანელმა სწავლულებმაც გაიცნეს რენანის წიგნი და აღნიშნეს მისი სუსტი მხარეები, სახელდობრ ის, რომ შეხედულობა სახარების ისტორიაზე ამ წიგნში გატარებული არ არის საკუთარი რენანის, არამედ აღებულია სავსებით გერმანელ მეცნიერთაგან და აგრეთვე ისიც, რომ რენანის წიგნს არა აქვს მეცნიერული ხასიათი; მათი გამოანგარიშებით, რენანის წიგნში, რომელიც შეიცავს ოთხას ორმოცდა ცხრამეტს გვერდს შეიღას ოცდა სამჯერ არის ნახმარი სიტყვები: „მგონია“, „თითქო“, „შეიძლება“, „ალბათ“. სახე იესოსი წარმოდგენილია არა ნამდვილად ისტორიული, ფანტაზიის რომ დიდი ადგილი აქვს დათმობილი ამ თხუზულებაში, ასე რომ ნამდვილი ისტორიის მაგივრად გამოდის რაღაცა რომანი, რომელშიაც ერთმანეთში არეულია და გადახლართული ფანტაზიური სურათები, და სინამდვილე. მათი აზრით

რენანმა არა თუ არ გაასუფთავა „ლეგენდა“, როგორათაც ის სთელის სახარების ისტორიას, არამედ უფრო გააბუნდოვანა და გაართულა იგი თავისი ფანტაზიის შეთხზული ახალი ლეგენდებით. რენანი გულდადებით ისმენდა კრიტიკოსების შენიშვნებს და ბევრი თავისგან წარმოთქმული აზრი უარყო, ბევრიც შეცვალა ძირითადად შემდეგს გამოცემებში.

რენანის წიგნი „ცხოვრება იესოსი“ ქართულად გადმოთარგმნა ია ეკალაძემ 1906 წ. თვით რენანმა შეამოკლა და გადაათვა „სახალხო“ თავისი თხუზულობა, რადგანაც პირველი გამოცემა მისი დიდი იყო სივრცით და ძვირი ფასით; ამ შემოკლებული გამოცემის რუსული თარგანიდან გადმოთარგმნილია ცხოვრება იესოსი ქართულად. ამ „სახალხო“ გამოცემას პირველ გამოცემასთან შედარებით აკლია: 1, შესავალი, რომელშიაც განხილულია იესოს ცხოვრების წყაროები — სახარებები, 2, თავები — პირველი: „ადგილი იესოსი საქვეყნო ისტორიაში“, მეთექვსმეტე: „იესოს სასწაულები“, — მეცხრამეტე: „გაძლიერება ენტუზიაზმისა და ეკზალტაციისა“, ოცდა მეოთხე: „იესო საფლავში და ოცდა მეშვიდე: „იესოს მტრების თავგადასავალი“, ასე რომ ოცდა შვიდი თავის მაგიერ შემოკლებულ სახალხო გამოცემაში და ქართულს თარგმანშიაც არის მხოლოდ ოცდა სამი თავი. გამოტოვებულია ამავე გამოცემაში სტრიქონ ქვეშ შენიშვნები და ციტატები სახარებიდან და სხვა წყაროებიდან. რენანის წიგნის განხილვის დროს ჩვენ ვიხელმძღვანელებთ ორთავე გამოცემებით — სრულითაც და შემოკლებულითაც.

ნამდვილი მართალი.

(წერილი რედაქციისადმი)

მ. რ! ამ წლის თქვენს პმტივცემულ გაზ. „მწყემსის“ № 9 ნომერში მოთავსებულია იმერეთის სამღვდლოების დეპუტატთა შარშანდელი 47 კრების ანგარიში წმინდა სანთლის წარმოების კითხვის შესახებ. მაგრამ, რადგან კრებაზე მომხდარი ზოგიერთი ამბები ნამდვილად არ არის აღნიშნული, ქეშმარიტების აღსადგენად მე, როგორც ერთი დეპუტატთაგანი, ნებას ვაძლევ ჩემს თავს

მოუთხრო სიმართლის მოყვარე მკითხველს ნამდვილი მართალი ამ საქმის შესახებ იქნება სიმართლის თქმა ზოგიერთებს არც კი ექაშნიკოსთ, მაგრამ რა უყოთ! ეს ხომ ჩვენი ბრალი არ არის?! ჩვენ იმას ვიტყვი, რაც ჩვენი თვლით ვიხილეთ და რაც ნამდვილად კრებაზე მოხდა. ამიტომ ნურავინ ინებებს უბრალოდ განრისხებას.

ეს ერთი ხანია სამღვდლოების კრებამ დაჰკარგა სიღინჯე, მიუდგომლობა და გულწრფელობა ამა თუ იმ კითხვის მსჯელობის დროს; მის აზროვნებას ეტყობა ფუქსავატობა და პირმოთნეობა. ყველაზე მეტად ამგვარ მსჯელობას იჩენს სამღვდლოების კრება, როცა საქმე ფულებს ეხება, განსაკუთრებით კი სანთლის წარმოებას. მაშინ-როცა დესაც სანთლის წარმოება ერთად ერთი ნუგეშია სამღვდლოებისა, ეხლანდელ მის გაჭირვების დროს, როცა ათასგვარი მოთხოვნილება კარზე მოდგამია და ხმა მადლა უკაკუნებს და ამისათვის მეტს ყურადღებას თხოვილობს, იგი კი გულ გრილად და ადებულად ეკიდება ამ საქმეს. რატომ ხდება ეს ასე? რატომაც უნდა იყოს და რაც უნდა იყოს, სამწუხაროა, რადგან საზოგადო საქმეში ამ გვარი საქციელი ყოველთვის დამლუბველია საქმისა და მავნებელი თვით საზოგადოებისათვის. აი, ამას უნდა გრძნობდეს სამღვდლოების კრება და არასოდეს არ უნდა გაურიოს საზოგადო საქმეში პირადობა. პირადი სარგებლობის წინ ყოველთვის საზოგადო სარგებლობას უნდა აყენებდეს. ასე მოიქცა სამღვდლოება 47 კრებაზე? არა. ეს ჩვენ ვერ შევნიშნეთ. აი თვით ფაქტები და მკითხველმა საჯოს.

როგორც „მწყემს“-ის № 9 ნომრიდან უწყის მკითხველმა, სამღვდლოების 47 კრებაზე უნდა არჩეულიყო სანთლის საწყობის ახალი მმართველი, რადგან ერთის თვის წინად კრებამდი ხმა დადიოდა, რომ ძველმა მმართველმა ბ. მღვ. ამ. ფოფხაძემ გამგეობას თავი უნდა დაანებოს და ს. ქვიტირის მღვდლობა მილოსო. მაგრამ საქმე ისე ხელოვნურად იყო მოწყობილი და საიდუმლოებით მოცული, რომ საქვეყნოდ სჩანდა ძველი მმართველის გადადგომა და ახალის არჩევანი. როცა დაინტერესებული პირები ამის შესახებ მოინდომებდნენ სიმართლის გაგებას, მმართველი უპასუხებდათ: „მე ვერ მაინც მღვდლობის ადგილი არ მიმილია, მაგ-


რამ რომ მივიღო კიდევ, აქაც ვიმსახურებ და იქაცო“. ეს, რა თქმა უნდა, სასარგებლო იქნებოდა მ. ამროსისათვის, მაგრამ მოუხერხებელი კი იყო. ამას, უუქველია, თვითონაც კარგად გრძნობდა, მაგრამ ხმას თუ მაინც ასე ჰყრიდა, სულ სხვა განზრახვით. რაკი თვითონ აღარ უხერხდებოდა საწყობში მთლად დარჩენა, უნდოდა საქმეს მოეწყო, რომ სანახევროდ მაინც არ ჩამოშორებოდა ამ საქმეს. რასთვის? ამბობენ, ასე იცის თურმე ბუზმაც. რაკი ერთხელ თაფლის გემოს გასინჯავს, მერე იმ ადგილს კი აღარ მოშორდება. დიად, უნდოდა მ. ამბროსის თავისიანი ვინმე გაეყვანა მმართველად, რომ მისი ნამოქმედარი გარეთ არ გამოეტანა და ხანდახან, თავის შესაქცევად, მმართველობაშიაც წილი ჰქონოდა, უფლება არ დაჰკარგოდა. ხუმრობა ხომ არ იყო!? ამ გვარ შემთხვევაში, როგორც მოგეხსენებათ, ხერხია საჭირო და მ. ამბროსიაც მას მიმართა. რომ კრებაზე მისიანს მოცილებები არ გამოსჩენოდნენ, თავის გადადგომის საქმეს აფუჩჩებდა, კრების დაშლას უცდიდა, და შემდეგ მზად იყო საქმე: როგორც უნდოდა, ისე მოახერხებდა. ამიტომაც იყო, რომ დებუტატების უმრავლესობას პირველი სხდომის დაწყებამდე შესაძლებლად არ მიაჩნდათ ახალი მმართველის არჩევანი მით უმეტეს, რომ მღვდელ-მთავარიც ვერ ხედავდა ჯერ თავისუფალ მღვდლობის ადგილს მ. ამბროსისათვის. ბოროტი ენები ამბობდნენ, მ. ამბროსის შეჩენილი ჰყავს კაცები, რომ იმ მღვდელმა, რომლის ადგილსაც მას აძლევდნენ, კრების დასრულებამდე არ შემოიტანოს გადადგომის ქალაქი. ქალაქი იგვიანებდა, ადგილი არ თავისუფლდებოდა და მღვდელ-მთავარიც ეუბნებოდა ყველას: საქმე გამოურკვეველია მაინც, მაგრამ მე მაგ საქმეში არ ვერევი და სამღვდლოებას როგორც უნდა, ისე გადაწყვიტოსო. თუმცა საქმის ვითარება ასეთი იყო, მაგრამ მამალს კალათიდან ბოლო მაინც მოუჩანდა... ამას ადვილად ხედავდნენ დაკვირვებული და შორს-მჭვრეტელი დებუტატები და ამიტომ მათ აღარ გაოცებიათ, როცა კრებას გადაცა განსახილველად მღვ. ს. შუბლაძის თხოვნა მღვდელთ მთავრის განმარტებით, ამით აიხადა ფარდა. მოხდა ის, რაც უნდა მომხდარიყო: მ. ა. ფ — ძის შუბი აღარ დაიმალა ხალხთაში! მისი წვერი ზოგიერთებს მაშინვე გულზე

მოხვდათ და მეორე დღეს კრების თავმჯდომარემ მიიღო კიდევ ოთხი თხოვნა მმართველის ადგილის დასაქვრად. პირველი მარტის სხდომაზე სამღვდლოების კრებაში მოისმინა მათი შირაარსი. საყურადღებო იყო ეს თხოვნები თავისი ახირებული შინაარსით. ერთი სთხოვდა მღვდელ-მთავარს: „მრავალგზის მოგართვით თხოვნა ჩემი გაქირვებული მღვდმარეობის შესახებ და კარგად უწყით ჩემი ამბავი. აღარ გავიმეორებ იმას, რაც მომიხსენებია, მხოლოდ ახლა კი მოვახსენებ თქვენს მეუფებას, რომ რამდენადაც თქვენ ბრძანებდით დარწმუნებული რომ მე ამ საქმეს კარგად ვაწარმოებ, იმდენად მე ვეცდები კარგად წავიყნო სანთლის საქმე და ვავმართლო თქვენი მონდობილობაო.“ მღვდელ-მთავარიც ამოწმებდა მთხოვნელის ცხოვრების აუტანელ პირობებს და სამღვდლოებას ურჩევდა ქუთაქუთაისში მისი გადმოყვანის საჭიროებას. ზოგიერთს დებუტატებს როგორღაც არ მოეწონათ არც მთხოვნელის ეს გადაკრულ-გადმოკრული სიტყვები და არც მღვდელ-მთავრის განმარტება, მაგრამ ხმა არავის ამოუღია. მხოლოდ თავმჯდომარემ შენიშნა და იმასაც სამედიატორო სამართალში იწვევდა მთხოვნელი შუბლაძე, ვითომდა შეურაცხყოფისთვის. მოხდა მათ შორის გასამართლება თუ არა, ეს მე არ ვიცი. მხოლოდ ეს კი ვიცი... მაგრამ რა საჭიროა, რაც მე ვიცი. აი თვითონ თქვენ მოისმინეთ რაც იყო, მეორე მთხოვნელი კი სწერდა: „მე ყ-დ სამღვდლოს განკარგულებით 500 მან. მასესხეს სანთლის საწყობიდან. ახლა სინდისი მაწუხებს, რომ ვალს გადახდა უნდა, მაგრამ, რა ვქნა, რომ არა მაქვს მოხერხება. თან ერთი სწული და ფეხ ტკივანი კაცი ვარ, შედით ჩემ მღვდმარეობაში და მმართველად მე დამნიშნეთ. თქვენც გაგისტუმრებთ და მეც ხეირს ვნახავო!? მესამე სწერდა: „მე კარგი ლგარიშის კაცი ვარ: ვყოფილვარ ქიათურაში შავ-ქვაზე. მონასტრის საქმეც მიწარმოებია და ახლაც სანთლის საწყობის სარევიზიო კომისიის წევრი ვარო...? მეოთხე სწერდა: „მე პოლიცია მღვენის, ერთ ხანს, გაგებული გქნებათ, დაჭერილიც ვიყავი, მაგრამ გამომიშვეს. ახლა კი თვალს მადვენებენ და რომ არ დამიჭირონ, სანთლის საწყობში გადამიყვანეთო. მეხუთე სწერდა: მრევლი ჩემზე უკმაყოფილოა. აღარც არაფერს მაძლევენ და აღარც მაყენებენ. იძულებული

ვარ თავი დავანებო და თქვენ მაინც უემიწყნარეთო...?—როცა კრებამ მოისმინა ამგვარი ახირებული თხოვნები, ვფიქრობდით, დებუტატები შევიდოდენ მათ განხილვაში და თვითონ დანიშნავდენ კანდიდატებს, მაგრამ თქვენც არ მომიკვდეთ! კანდიდატობა მოისურვა თვითონ თავმჯდომარემ მღვ. ი. ფანცხავამ, რომელმაც განუცხადა კრებას: თუმცა ამ წაკითხულ თხოვნებში აღნიშნული არც ერთი პირობები არ მიწყობენ ხელს, მაგრამ ისე კი, თუ კრება ამირჩევს, მზადა ვარ საზოგადო საქმეს ვემსახუროო. ამის შემდეგ დროებით გადადგა თავმჯდომარე და მისი ადგილი დაიკავა—მისმა თანაშემწემ ბ. მღვ. ს. დევიძემ. კანდიდატების სიას მიემატა კიდევ ორი: ბლალ მღვ. ზ. შანიძე და ქართლ-კახეთის ეპარქიის მღვდელი ი. სხირტლაძე. ამ გვარად მართველის ადგილის მთხოვნელი აღმოჩნდა რვა კაცი. ამბროსის და მის კამბანიას ფერი ეცვალა. საექვოდ დაინახეს თავისიანის გაყვანა და ამიტომ საქმის ასარევად და ზოგიერთი კანდიდატების ჩამოსაშორებლად სიტყვა ჩამოაგდეს მმართველის ისედაც მცირე ჯამაგირის შემცირებაზე. ამით უნდოდათ ფონს გასულივნენ, მაგრამ ნახტომი შეეშალათ. თუმცა წინანდელ კრებაზე განსაზღვრული იყო მმართველის ჯამაგირი 600—700 მან. წელიწადში, მაგრამ ეს 600 მ. დეკ. ივ. აბესაძეს ღიდად მოეწვენა და უმტკიცებდა კრებას, რომ 300 მანეთი საკმაოა*). მაგრამ როცა კრებამ მოაგონა თავისი 2000—3000 მანეთიანი ჯამაგირი, რომელიც მას კიდევ საკმაოდ არ მიაჩნია თავისთვის, ხმა ჩაიკმინდა. ხმა ჩაიკმიდეს სხვებმაც, რადგან მიხვდენ ამ კითხვის უადგილობად და უხერხულად წამოყენებას. კრებამ ისევ წინანდელი ჯამაგირის ნორმა დასტოვა და შეუდგენ საქმეს. მ. ამბროსი ფ—ძე კი არ ისვენებდა: დადიოდა აქეთ-იქით და ყველას მომხრეობას სთხოვდა. კრებამ მცირე მოლაპარაკების შემდეგ ერთ ხმად გადაწყვიტა, რომ კანდიდატების სიძრავლისა გამო, დროს მოსაგებად, რადგან კრებას ერთი ყუთი მეტი არა ჰქონდა, კენჭის ყრის ნაცვლად, აღრჩე-

ვა მომხდარიყო საიდუმლოდ ბარათებზე დაწერით. ამ გვარი აღრჩევა კანონიერად და გათავებული უნდა ჩათვლილიყო. კრება დათანხმდა ამაზე, მაგრამ ის კი ვერ წარმოიდგინა, რომ ამით მ. ამბროსის გასაძრომ ხვრელს უტოვებდენ. დასწერეს და წარუდგინეს ბარათები. აღმოჩნდა, რომ ყველაზე მეტი აღრჩევითი ხმა მიიღო მ. ი. ფანცხავამ. მ. ამბროსის და მის კამბანიას ელდა ეცა. გაშეშდენ, ენას ველარ ძრავდენ. მაგრამ მ. ი. ტამიძემ და არღვია სიჩუმე და თავმომწონედ გაძვრა იმ ხვრელში, რომელიც კრებამ დაუტოვა მ. ამბროსის, და თან გაიყოლია თავისიანებიც, ისმოდა ხვრელიდან უთავბოლო ყიჟინა: „ახლა არჩევანი კი არა, კანდიდატების დასახელება იყოვო. კენჭი ვყაროთ, კენჭიო.“ მაგრამ კრების უმრავლესობამ იმ დღეს ფანცხავას არჩევანი კანონიერად მიიღო. თუმცა ახალმა აღრჩეულმა მმართველმა მაშინაც განაცხადა, რომ რადგან ზოგიერთებს კენჭის ყრა კიდევ საჭიროდ მიაჩნიათ, ბარემ ახლავე მოახდინეთო, მაგრამ ეს კრებამ აღარ ინება. ზოგიერთებმა სთხოვეს ფანცხავას, რომ დაუთმოს მან ეს ადგილი უშუბლაძეს, რომელმაც თავისითაც სთხოვა ეს დამობა, მაგრამ ფანცხავამ როგორღაც ვერ იცნო ეს მოსახერხებლად და რიგიანად. ამ გვარად, მეორე დღემდი ყველა დარწმუნებული იყო, რომ სანთლის საწყობის მმართველად აღრჩეულია მ. ი. ფანცხავა და არა სხვა ვინმე ამასთან კრებამ აირჩია სანთლის ქარხნის და საწყობის კონტროლერად დეკ. დ. ლაბაშიძე მმ. შანიძე და ჩოხანელიძე. ეს თავზარ დასაცემი იყო ზოგიერთებისათვის. მეორე დღეს, 2 მარტს, სხვა აღმოჩნდა. თავმჯდომარე და საქმის მწარმოებელიც აგვიანებდენ ამ აღრჩევაზე ოქმის შედგენას. ეტყობოდა, რომ რაღაც მზადდებოდა. ემზადებოდენ მეორე დღისთვის. შეიქმნა გახმობგამოხმობა, ჩაპუტუნება და მიხლა-მოხლა. მღვდელმთავართანაც ხშირად შედიოდენ და გამოდიოდენ. ამბობდენ, მღვდელმთავარს ერთი თვის წინად. ჰქონდა აღთქმული ეს ადგილი უშუბლაძესეო. იმასაც ამბობდენ ახლა, რომ იმ დღეს დიდი წვეულება იყო გამართულიო. მე ესენი არა მჯერა, მაგრამ განზრახვა კი სისრულეში მოიყვანეს, რადგან საქმის ასარჩევად შეიძინეს ზოგი დებუტატი და არა დებუტატიც. დაიწყო სხდრმა ორ მარტს თუ არა, მ. ი. ტამიძემ წარუდგინა თავმჯდომარეს თავის

*) სრულებით მართალი სთქვა დეკ. ი. აბესაძემ. დღეს მმართველს სრულებით არა აქვს ის საქმე რაც წინეთ ჰქონიათ მმართველებს. დღეს ის არის საწყობის გამგე და არა მარჯველი. იგი იღებს დამზადებულს სანთლის და ყიდის საწყობში.,, რედ.



ნათესავების მიერ ხელმოწერილი ქალაღი, რომელშიდაც წინა დღის არჩევნებს უკანონოდ სთვლიდა, ხოლო დეკ. დ. ღამბაშიძის სარევიზიო კომისიის წევრად დანიშვნას კი სანთლის საქმის დამლუბველად. ითხოვდა ეს ქალაღი წარდგენოღა მღვდელ-მთავარს არჩევნების ოქმთან ერთად. ამჟარა იყო, თუ არჩევნების ჩაშლას ვერ მოახერხებდენ იმ დღეს, ამ ქალაღით მაინც აერიათ საქმე. მაგრამ არჩევანის ჩაშლაც ადვილად მოახერხეს. ეს იკისრა ამ გვარ საქმეებში დახელოვნებულმა მ. ა. ფ—ძემ. სხდომების გათავების შემდეგ, როცა დეპუტატები ოქმზე ხელის მოწერას ეშურებოდნენ, მ. ამბროსი წარდგა და კრებას განუცხადა: მე დამავალა ეპისკოპოსმა გაგიცხადოთ, რომ ის მმართველის გუშინდელ არჩევანს უკანონოდ სცნობს და ამიტომ ფანცხავას არ დაამტკიცებსო. მოვხდინოთ ახალი კენჭის ყრაო. ამას დასძინა ღამბაშიძის დანიშვნა კონტროლერად არ შეიძლება სხვა ავირჩიოთ და თუ არ გამოცვლით ორი საიმედო პირი კიდევ დავნიშნოთო. გაისმა ხმა: დავნიშნოთ მამა ფოფხაძე და სიმონ მჭედლიძეო. ეს საკმაო იყო და ჩაიტანეს ყურნალში. ეს ორი „საიმედო“ პირიც კენჭი, კენჭიო, იგრიალეს ახლად შექენილმა დეპუტატებმა. განსაკუთრებით კი თავს იკლავდა პეტრე პავლეს ეკლესიის შედავითნე ონიფანტე სვანიძე და დაჟინებით ითხოვდა კენჭის ყრას. აირია მონასტერი, შეიქმნა ჩოჩქოლი- ყველა ხედავდა, რომ აქ ხრიკები იყო; ყველა გრძნობდა, რომ უსამართლოდ იქცეოდნენ, მაგრამ გამბედაობა არ შესწევდათ თავისს სინდისს დამორჩილებოდენ. საქმეს დასასრული არ უჩანდა, ხოლო დაღლილი დეპუტატები კი საქმის დაბოლოებას ეშურებოდენ და ბინისკენ იქაროდენ. ამიტომ ზოგიერთებმა სთხოვეს მ. იუსტინე ფანცხავას დასთანხმებულყო ხელახალ კენჭის ყრაზე. ისიც დასთანხმდა. შუბლაძესაც და ფანცხავასაც ორივეს თანასწორი კენჭი ამოუვიდათ. კრება აქაც უსამართლოდ მოიქცა, რათ უყარეს კენჭი მარტო ორს კანდიდატს რვა კაციდან, როცა დანაჩენებისათვის არავის უკითხავს უარს ამბობდენ ისინი კენჭის ყრაზე, თუ არა. და კიდევ. რათ არ მოახდინეს მეორე კენჭის ყრა, როცა ხმები გათანასწორდნენ? ამ დროს თავმჯდომარემ მ. ს. დევიძემ ამოიღო დაბეჭდილი წერილი, ვახსნა და კრე-

ბას წაუკითხა: რადგან მე დღეს დრო არა მაქვს კრებას დავესწრო, თუ მმართველის არჩევანი მონდღის, ჩემს მაგიერად კენჭი შენ შუბლაძის სასარგებლოდ ჩაავდეო, სწერდა მ. ტ, მიგრამვილი. კრება კი ასეთ უკანონობაზე აღარ დათანხმდა და ზოგიერთებმა დაიყვირეს: მღვდელ-მთავარს მივანდოთ, მღვდელ-მთავარს და იმან აირჩიოსო. შუბლაძე და მისი პარტია მ. ამბროსითურთ გამარჯვებას დღესასწაულობდენ. როგორც ვიცით, მღვდელ-მთავარმაც შუბლაძე აირჩია იმ მოსაზრებით, რომ მისი სოფელში ცხოვრება აუტანელი და მძიმეაო. ახლა ეს არის საკითხავი, სხვისთვის კი ასატანი იყო?! ამ ნაირად მ. ა. ფ—ძის მაცადინობამ გასჭრა. თავისი ნათესავიც შეიყვანა სანთლის საწყობში და თვითონაც სარევიზიო კომისიის წევრად ჩააკვებებია კრებას თავისი თავი. დღესაც ფაქტიური მმართველი საწყობის ის არის, მერე რატომ დათანხმდა კრებაო, იტყვიო? ჩვენც გვიკვირს. რატომ იგდებენ სამღვდლოებას, ასე აბუჩად? ჩვენც ეს გვაკვირვებს. მხოლოდ შევნიშნავთ, რომ თვითონ ვაძლევეთ სხვებს ამის საბუთს; ისინიც სარგებლობდენ შემთვევევით და იქ, სადაც საყვედური უნდა მიიღონ, მადლობას იმსახურებენ ჩვენგან. ასეთი დაუმსახურებელი მადლობა მიიღო მ. ა. ფ—ძემ წარსული 47 კრების დეპუტატებისაგან. ამას არც თვითონ სარევიზიო კომისიის წევრები მაღავდენ კრების გათავების შემდეგ, როცა დარწმუნდენ რომ სამღვდლოებამ მათი „ნაყოფიერი“ შრომა არ დააფასა და სასყიდელი არ მისცა, როგორც ამას თურმე პირდებოდა ძველი მმართველი საწყობისა მ. ამბროსი. კრება რომ დაწვრილებით სანთლის წარმოების განხილვას შედგამოღა და რევიზიის ოქმები გაესინჯა, მართველი, მადლობის ნაცვლად პანლურს მიიღებდაო, ამბობდენ ისინი. აი ესეც შენი მიუდგომლობა და პირუთვნელობა! ასეთ პირობებში საზოგადო საქმე განა იხეირებს? მეტი გულწრფელობა, მეტი სინათლე, მეტი გამბედაობა, მამანო და ძმანო, თორემ რას გვარგებს ბოლოს თითზედა კბენანი!“

მართლას მოქმეღა

ბიბლიოგრაფია

„განხილვა ერნესტრენანის მოსაზრებათა ქრისტეს ცხოვრების შესახებ ალექსი ბერის მიერ.“ გამოცემა იოსებ ლეჟავასი, №41 ტფილისი 1908 წ. 30 გვ.

ერთი პატარა, მაგრამ შინაარსიანი წიგნაკი მოემატა კიდევ ღარიბს ქართულს ქრისტეს მტერთა საწინააღმდეგო ლიტერატურას. წიგნაკი, რომლის სათაურიც ჩვენ ამოვწერეთ ზევით, ეკუთნის დაუღალავს სულიერს მოღვაწეს მღვდელმონაზონს ალექსი შუშანიას. წიგნაკი შეიცავს შესავალ-წინასიტყვაობას და ხუთს თავს, რომლებშიაც განხილულია რენანის მოსაზრებანი იესოს შობის ადგილზე, მის ოჯახურ მდგომარეობაზე, ღვათებრივობაზე და გარეგან საეკლესიო წესთმოქმედებაზე. ზემო აღნიშნულნი მოსაზრებანი რენანისა დარღვეულია ამ პატარა წიგნაკში სახარების და ებრაელთა ძველ მწერალთა მოწმობებით. წიგნში სიამოვნებით წასაკითხია მოსაზრებანი ღრმად მორწმუნე და მხურვალე მლოცველ მამისა გარეგან წესთმოქმედების შესახებ; ცხადად სჩანს დიდი დაკვირვება და გამოცდილება ღრმად მორწმუნე კაცისა. წიგნი დაწერილია მარტივი, ადვილად გასაგები ენით. ურიგდება მსურველთ უფასოდ. ღირს ამ წიგნაკის წაკითხვა.

მასწავლებელი.



რუსეთის პრესა ექსარხოსის მოკვლის შესახებ.

საქართვე. ექსარხოსის ნიკონის მოკვლის ამბავმა, რასაკვირველია, მთელი რუსული პრესა ააღაპარა. ყველა აღელვებული და შეშფოთებულია ამ არა-ჩვეულებრივის ბოროტ-მოქმედებით და მწუხარებას აცხადებს საშინელ ტრაგედიის გამო. მწუხარების გამოთქმაში ერთსულოვნობა ჰსუფევს, მაგრამ ამ ფაქტის გამო მსჯელობაში დიდი განსხვავებაა გაზეთებს შორის, იმის მიხედვით, თუ რომელ მიმართულებას ეკუთვნის გაზეთი. შავრაზმელმა პრესამ, როგორც აქ „გოლოს კავკაზ-მა“, ხელზე დაიხვია ექსარხოსის მოკვლა და ჯვაროსნული ომი გამოუცხადა მთელ „ინოროდცების“ ქვეყანას. ამ პრესას სათავეში უდგია „ნოვ. ვრემია“. რომელის პუბლიცისტი მენშიკოვი ნამდვილად გაგიჟდა და

მთავრობას ურჩევს „ყველა ველურ კავკასიელების“ ამოწყვეტას. ეს „ბოროტი გენიოსი“ რუსულ შავრაზმელ რეაქციისა მთავრობას გაახსენებს „სულთანის რეცეპტს“ და ეუბნება—ამის მეტი არა და გრჩენია-რა. როცა სომხის რევოლუციონერებმა საქმე გაუჭივრეს ოსმალეთის მთავრობას და ამან ვერაფრით ვერ დაამშვიდა ისინიო, მაშნივე რადიკალურ ღონისძიებას მიჰმართაო: ამოჰლიტა ასი ათასზე მეტი სომეხი და ამ გზით შეაჩერა რევოლუციო! ჩვენ-კი სულელობას ჩადვივართ: იმის მაგიერ, რომ ცეცხლითა და მახვილით დავამშვიდოთ ველური ინოროდცები, რომელთაც ჰუმანიზმი და ლიბერალიზმი მხოლოდ მთავრობის სისუსტედ მიაჩნიათ, ჩვენ გავგიგზავნია იმ ქვეყანაში მოხუცი მმართველი; რომელსაც კეთილგანწყობილებითა და ლიბერალურ რეფორმებით მოუწადნია ველურთა გულის მოგება!..

ასეთი კაცთმომძულეების პოლიტიკის ქადაგებით აივსო შავრაზმელი პრესა... მისმა ასეთმა შეუწყნარებელმა ღალატმა ააღელვა ყველა რიგიანი ორგანოები რუსულის პრესისა, რომელნიც შესაფერ პროტესტს უცხადებენ რეაქციონურ გაზეთებს და თან ცდილობენ გაითვალისწინონ „ტფილისის ტრაგედია“, გაიგონ, რა უბედური მდგომარეობის მსხვერპლი შეიქნა განსვენებული არქიელი. სხვათა შორის ამ ხასიათის წერილები დაიბეჭდა „რუსსკ. ვედომ“-ში (ა. ხახანაშვილისა), „რჩი“-ში (იზგოვეისა) და „ბირჟ. ვედომ“-ში. საყურადღებოა უკანასკნელ გაზეთის შენიშვნა, რომელიც აქვე მოგვყავს:

„ბოროტისა და საშინელის სიკვდილით დაიღუპა საქართველოს ექსარხოსი ნიკონი. სიკვდილი ბოროტი და საშინელია ყოველთვის, როდესაც ცეცხლითა და მახვილით უღებენ ბოლოს იმათ სიცოცხლეს, ვისი სამსახურიც თითქოს შორს უნდა იყოს ძალმომრეობისაგან. პოლიტიკურ-ეროვნულ ქართველის მსხვერპლი, ნიკონი უკვე ისტორიას გადაეცა, მაგრამ ყველამ ერთის გრძნობითა და აზრით არ გააცილა იგი. ერთ მხარეს გამრჯვებას დღესასწაულობს შურის ძიება, და მომავალში შეიძლება განსვენებულის სახელი პოემაშიაც კი მოექცეს, პოემაში, რომელიც ნაყოფი იქნება ეროვნულ გრძნობისა, სხვებისთვის—ნიკონი ბედის წერის მსხერპლი იყო, და შეიძლება ამ შემთხვევაში-

აც მისის სიკვდილის გამო გულწრფელი ლექსები დაიბეჭდოს სასულიერო ჟურნალებში. ან-კი რა უნდა ყოფილიყო საქართველო წმინდა წყლის რუსისთვის, ოდესღაც წყნარ და მშვიდ მღვდელ-სემინარიელისთვის, რომელის ერთად ერთ სურვილს შეადგენდა მშვიდობიანი მღვდლური ცხოვრება? მეორე მხრით, რა უნდა ყოფილიყო თვით ნიკონი საქართველოსთვის?

მაგრამ ბედმა ჩარხი დაატრიალა, — წყნარი ბედნიერება დაირღვა. მღვდელმა ნიკოლოზ სოფიისკიმ დაჰკარგა ცოლი. იგი შევიდა აკადემიაში, ბარტყულა დაიხურა, შემდეგ მიტრა გაჩნდა. მერე ეპისკოპოსობა და დიდება, მთავარ-ეპისკოპოსობა და ექსარხოსობა. სასულიერო გენერლობით დაჯილდოვებულ ნიკონს ხორციელს გენერლების ცოდვების გამოსყიდვა მოუხდა. მისმა წინამოადგილემ თავი მიანება ადგილს. განგებას უნდა უმადლოდეს, მან არ იგემა რისხვა სინოდის ცენტურიონების, რომელნიც ჯერ კიდევ განაგებენ მღვდელ-მთავრების სვებედს.

არავის არ უნდოდა საქართველოში წასვლა. დაასახელეს ნიკონი, ასეა მიღებული, რომ „ბერს თავის სურვილი არა აქვს“. ნიკონი წავიდა.

მე ვიცნობდი ექსარხოს ნიკონს, როცა იგი ჯერ ისევ ბერ-მონაზონად იყო პეტერბურგის სამღვდლოების დიდი ნაწილი იცნობდა ნიკონს. მთელი თვრამეტი წელიწადი იგი პეტერბურგის სემინარიის ინსპექტორად იყო. სამღვდლოების შორის ბევრია იმისი მოსწავლე. აკადემიაში მეც მიუსწარი იმის შესახებ გამოგონილ ანეკდოტებს.

სემინარიის ეკლესიაში ბევრი მიდიოდა მხოლოდ იმიტომ, რომ ლამაზი ბერი ენახა. მაღალი, მოყვანილი, საუცხოვო თვალებით, ოქროს სათვალეებით, — მუდამ იზიდავდა ეკლესიის მოყვარულ მანდილოსნებს. იქვი არ იყო, რომ ნიკონს დიდი მომავალი მოელოდა.

ნიკონის მაგარი ხასიათი ერთბაშად ყველამ იგრძნო, და ეს ბევრს არ ექაშნიკა. მალე იგი რეკ-


ტორად დანიშნეს ვლადიმირში. ეს ამალღება იყო, მაგრამ ამით ბოლო მოელო ახლად ფეხ ადგმულს უკმაყოფილებასაც: პეტერბურგისთვის ნიკონი უკვე აუტანელი გახდა.

ვლადიმირში ახალმა არქიმანდრიტმა იგივე ძალა გამოიჩინა. მე კარგად ვიცი, რომ ბევრს ძალიან მოსწონდა იგი, მაგრამ ბევრს სძულდა კიდევ. ბევრი მოსწავლის ნორჩი გული აატირა რეკტორის სისასტიკემ და სიმტკიცემ. ერთხელ დეპეშა მოვიდა: ვლადიმირის სემნარიის რეკტორის, არქიმანდრიტის ნიკონის მოკვლა განიძრახა ერთმა სემნარიელმაო. როდესაც ნიკონი ბაღში ყვავილს ათვალთიერებდა, მოსწავლემ ცული დჰკრა კისერში

ეპისკოპოსად აღყვანილი ნიკონი ერთ ხანად პეტერბურგში იყო ვიკარად. ნიკონი მეტად მხნე და მომქმედი ვიკარი იყო. იმის ხელში საქმე დულდა და გადმოდოდა. ხშირად იფიქრებდა კაცი, ეს ადამიანი ხორციელ გენერლობისთვის არის გაჩენილიო, — რად მოყვა ბერად?

ნიკონი ექსარხოსად დანიშნეს, და იმან, ვინც პირველად ნიკონი ექსარხოსად დაასახელა, იცოდა — რასა შერებოდა. საქართველოს საეკლესიო საქმეებში ერთხელვე მიღებულ პოლიტიკისთვის უკეთესი კაცი არ შეიძლებოდა. ჯერ-ჯერობით დაწვრილებით არა ვიცი თ რა ტფილისის ტრაგედიის შესახებ. მაგრამ იმას, ვინც იცნობდა განსვენებულ ექსარხოსს, ეს მოულოდნელი სიკვდილი არ მოეჩვენება ანტი-ლოგიკურ მოვლენად, სისულელედ, უცაბედ რამედ. ნიკონმა იცოდა, რად და რისთვის მიდიოდა, სწამდა ის საქმე, რასაც ხელი მოჰკიდა, და კონმპრომისს არ დასთანხმდებოდა, გინდაც სცოდნოდა, რომ გზა ერთად-ერთი იგი იყო“.

ახალი ამბები და შენიშვნები.



ქართული
ენების
საქართველო

სწავლა და მეცნიერება ქრისტიანობრივ სასწამუნობასა და კეთილზნობაზე.

ს ი ტ ყ ვ ა,

თქმული დეკ. დ. ღამბაშაძისაგან ვეინილის მთავარ-მაცამეთა დავით და კონსტანტინეს ტამარში 2 მარტს, ზანაშვილის წინ მაქსიმე რუსტომის-მე შარაძის სულის მოსახსენებულად.

პატივცემულნო მსმენელნო! ერთი სამწუხარო ამბავი მოგვიტანა ამ დღეებში ქართულმა გაზეთებმა; მაქსიმე რუსტომის-მე შარაძე გარდაცვლილა ტფილისში და სწორედ დღეს არის დანიშნული მისი დასაფლავება. თქვენ გაგიკვირდებათ ჩემი სიტყვები და გულში იტყვიან: ვინ იყო მაქსიმე შარაძე და რით იყო იგი შესანიშნავი კაციო? და არც არის გასაკვირალი ასეთი აზრი და გულისთქმა. როცა ბეჭდვითი სიტყვამ სამგლოვიარო ზარით მიმართა მთელს საქართველოს და შეატყობინა ვერაგულად მოკვლა ჩვენი შესანიშნავი მგოსნის ილია ჭავჭავაძისა, ბევრს ადგილას გაუკვირდათ თურმე ეს გლოვის ზარი და კითხულობდნენ: რა კაცი იყო ილია ჭავჭავაძეო? თუ ასეთ შესანიშნავ მოღვაწის შესახებ ესა სთქვეს, რა გასაკვირალია, თქვენც რომ სთქვათ ვინ იყო და რა შესანიშნავი კაცი იყო მაქსიმე შარაძეო,—ამას ვერაფერს ვიძრახავთ. დიად, ესეთი უბედური ვართ მარტო ჩვენ ქართველები, სრულებით არ ვიცნობთ მოღვაწე კაცებს. არა აქვს ჩვენში შესაფერი დაფასება არც მოღვაწეობას და არც ნიქს. დავით წინასწარმეტყველის სიტყვებისამებრ: „შურმან შეიპყრა ერთი უსწავლელი და ცეცხლიან შესჭამნეს წინააღმდეგნიო“ სწორედ ჩვენზე სრულდება. ვაი იმ ხალხს, რომელსაც თავის მოღვაწეები ვერ უცვნიან და ნეტავი

* * * **მონასტარზე თავდასხმა.** 31 მაისს, საღამოს 6 საათზე, როგორც გვატყობინებენ, ათი შეიარაღებული თათარი თავს დასხმია და გაუცარცვავს დავით გარეჯელის უდაბნო (ყარაიის მინდორზე). ყველანა ვინც იმ დროს მონასტერში იყო, შეუმწყვდვიათ ოთახში. მოხუცი წინამძღვარი შეუკრავთ, ხოლო ბერები დაუტუქსავთ. შემდეგ სენაკები დაუჩხრეკიათ და რაც საგემო უნახავთ, სულ წაუღიათ. წაღებულია ფულად 400 მანეთზე მეტი, თოფები, გულის ჯვრები და ბერების ტანთსაცმელი. ერთი მლოცველისთვის შალვარიც-კი გაუხდიათ. მერე ბერებისთვის უბძანებიათ არავის არ შეატყობინოთ, და წასულან. როგორც შემდეგ გამორკვეულა, ესევე ბრბო ამის წინ ყოფილა ნათლის-მცემლის უდაბნოში (ესეც იმავე მინდორზეა), საიდანაც 150 მ. ფულად, თოფები და საცვლები წაუღიათ. იმ მონასტერში ბერებისთვის უცემიათ და ერთი მათგანი დაუჭრიათ კიდეც.

* * * **დებუტატს მღვდელს ვასილ ტიტოვს** სათათბიროში გაეხადა ანაფორა და საკიდურზე დაეკიდა. ანაფორას ჯიბიდან ვილაცას მოეპარა საფულე 225 მანეთით, ტავრიდის სასახლის პოლიციამ ამაზე ოქმი შეადგინა.

დიდი საქმე მოუხდენიათ! საჭიროა ვიცოდეთ ნახეს თუ არა ფულები თორემ ოქმის შედგენა რა საინტერესოა?..

* * * **ზაჰის ფირმანი თეირანში სამხედრო წესების შემოღების შესახებ:** „რადგან სატახტო ქალაქის მდგომარეობა საშიში იყო, ჯარს ებრძანა საყოველთაო უშიშროება დაეცვა. მაშინ ენჯუმენის წევრნი შეიკრიბნენ სენეხ-სალალიარის მეჩითსა და ადერბეიჯანის ენჯუმენის სადგომში, იარაღს მიჰმართეს, დაიწყეს თოფის სროლა, ყუმბარები ისროლეს და მოჰკლეს და დასჭრეს რამდენიმე ყაზახი და მთავრობის მოხელე რათა ბოლო მოეღოს ამ რევოლიუციას, ამ ფირმანით თეირანში გამოცხადებულია სამხედრო წესები. ებრძანებთ, ამ ფირმანის შინაარსი აცნობონ ევროპიელთა საელჩოებს“.



იმ ხალხს, რომელიც თავიანთ მოღვაწეებს კარგად იცნობენ და პატივსაცემენ... ჩვენში კი უფრო პატივსაცემენ დიდ კაცობას, მდიდრებს და გავლენიან კაცებს; რამდენად ზრუნვენ ეს კაცები ხალხის კეთილდღეობისათვის, ამას არავინ გამოიკვლევს. რისგან არის ეს სამწუხარო მოვლენა ჩვენში? იმისაგან, რომ ჩვენში თავისთავზე ზრუნავს კაცი და საზოგადო საქმე სრულებით დავიწყებული აქვს. არიან ჩვენში ისეთებიც, რომელთაც საზოგადო სასარგებლო საქმე ახსოვსთ და კიდევ ზრუნავენ, მაგრამ ზრუნავენ მხოლოდ იმ პირობით, რომ მისი ზრუნვა რამდენადაც საზოგადოებისათვის სასარგებლო იქმნება, იმდენათვე კერძოთ მისთვის უნდა იყოს სასარგებლო და სასიამოვნო. მაგრამ, არიან ისეთი მზრუნველებიც, რომელთაც თავიანთი კერძო პირადი სარგებლობა სრულებით დავიწყებული აქვსთ და რითაც შეუძლიათ მზად არიან საზოგადოებას მტლეთ დაედვან და თავის სიცოცხლე შესწირონ.

მრავალ-მოწყალე ღმერთი ყველას აძლევს ტალანტს, ნიქს იმოდენს რამდენის მოხმარებაც მათ შეუძლიანთ. ზოგიერთს ღვთისაგან მონიჭებულს ტალანტს, ნიქს ხმარობს მოყვასთა საკეთილდღეოდ და სასარგებლოდ. ზოგიერთი კი თავისს ნიქს ხმარობს მარტო თავის სასარგებლოდ და მოყვასთა სარგებლობას სრულებით არავითარ ყურადღებას არ აქცევს.

ქალ. ტფილისში კარგი ხანია დაარსდა მცირე ჯგუფი საზოგადოებისა, რომელსაც შეადგენდა ექვსი—შვიდი კაცი. ამ ჯგუფმა თავის საღმრთო ვალად დაიდგინა სთესოს თესლი კეთილი ქრისტეს ყანაში. ეს მცირე ჯგუფი მოღვაწეთა მზად არის დაითმინოს ყოველი გაჭირვება, მზად არის თავისი სიცოცხლე შესწიროს, ოღონდ კი გონებრივი საზრდო მინიჭოს თავიანთ მემამულეთა, დღე და ღამე გაერთებული აქვს, რომ ბეჭდონ და გაავრცელონ ხალხში მცირე ფასით და უმეტესად სრულებით მუქთად სარწმუნოებრივი და კეთილზნობრივი შინაარსის წიგნები და წიგნაკები და ამით აღასრულონ მაცხოვრის მცნება საქმით და არ სიტყვიით. ამასთან მაქსიმე შარაძე მეცადინეობდა გალობის აღდგენას. ერთ დროს იგი იყო სემინარიაში გალობის მასწავლებლად და შემდეგ დაარსა ქართული საეკლესიო გალობის მოყვარულ-

თა წრე, სადაც ბევრმა შეისწავლა ქართული გალობა.

რომ უფრო ნაყოფიერად ემუშავნათ თავის მიზნის მისაღწევად, მ. შარაძემ გამართა მშვენიერი სტამბა, სადაც ბეჭდავდა სასულიერო და ზნეობრივ შინაარსის წიგნებს და აგრეთვე საგალობელ ნოტებს. ეს სტამბა ეხლაც მუშაობს ამ ამხანაგობის დანარჩენ წევრთა მეოხებით. განსვენებული მაქსიმე შარაძე იყო დამწყები და დამაარსებელი ამ სიმპატიური საზოგადოებისა.

მომალაგმა შრომამ და მრავალგვარმა უსიამოვნებამ, რომელნიც ხშირად წინ ეღობებიან ყოველ მოღვაწეს ჩვენში, დაასწულა იგი და ორმოცდაათი წლისა დაბადებიდან გამოასალმა წუთი სოფელს. ასკეტიურმა ცხოვრებამ განუწყვეტლივ შრომასთან ერთად, დაასუსტა მისი ჯანმრთელობა და, როგორც ჩვეულებრივად იტყვიან ხოლმე, წყნარად მიიძინა და საუკუნოდ განისვენა.

ამ საზოგადოებამ წარსულ წელში გადმოგვცა ჩვენ ოცი ათას ხუთასი სხვა და სხვა სასარგებლო წიგნაკი ხალხში დასარიგებლად და საეკლესიო წიგნთ-საცავების დასაარსებლად, ჩვენის „მწყემსის“ სახელობაზედ დაარსებული ძმობის დახმარებით. ამ 20,500 წიგნაკებს დაუმატეთ ჩვენგან გამოცემული 9500 წიგნაკი და სულ შესდგა ოცდაათი ათასი, რომელნიც უკვე დარიგდა ჩვენგან და კიდევ იმეკონება ხალხში დასარიგებლად...

ამისთანა კაცის გარდაცვალება საგლოვია არა მარტო ნათესავებისა და ნაცნობებისაგან, არამედ მთელი საზოგადოებისაგან. თუ დღემდის თქვენ არ იცნობდით პატიოსან მოღვაწეს, შარაძეს, ეხლა ხომ გაიგეთ მისი ვინაობა და უმეტესად შეიტყობთ იმისგან გამოცემულ წიგნებით რომელნიც ჩემგან ეხლავე დაგერიგებათ.

შევევედროთ უფალსა, რათა დაუმკვიდროს მას სასუფეველი და მისი სული დაამკვიდროს მართალთა თანა, განამრავლოს ამისთანა პირები ჩვენს

დაბეჩავებულ საქართველოში და მის ამხანაგთ, ამ საგულისხმო საზოგადოების დანარჩენ წევრთა, მიანიჭოს ძალა და მხნეობა კეთილად წარსამართებლად მათგან დაწყებული სასიხარულო და ფრიად სასარგებლო საქმისათვის.*)

რედაქციის პასუხი.

ზოგიერთ შეთხვევებს. ჩვენ გვეკითხებიან ზოგიერთები: „ფულები წარმოდგენილი გვაქვს იანვარში და რატომ არ იგზავნებით გაზეთს?“. სხანნი: „ჩვენ ბლალაოჩინს წარუდგინეთ ფული და რატომ არ გზავნით გაზეთს? ჩვენ მივიღეთ მხოლოდ ოთხი თვის და შემდეგ აღარ მიგვიღია“.

აი რედაქციის პასუხი: ეკსპროპრიაცია „ხალხის განთავისუფლებისათვის“ კი არა, არამედ თავის ჯიბის გასატენად, ყველაზე უწინ ზოგიერთმა ბლალაოჩინებმა და მღვდლებმა დაიწყეს; რასაც მოახერხებდენ ეს პირები ფულის აღებისათვის იმას ხმარობდენ. ზოგიერთ ხელის მომწერს ეგზავნებოდა გაზეთი. წლის დამლევს გზავნიდა სამ მანეთს წერილით. „გზავნი რა ამასთან სამ მანეთს ვთხოვ რედაქციას მიგზავნოს მე გაზეთი მიმდინარე წელიწადში.“ შემდეგ წელიწადში მომავალ წლისათვის გვიგზავნიდა ასე ფულს. კარგა შესამჩნევი ფული შერჩა ამ ნაირად ზოგიერთებს. არ ვიცით გულ მავიწყობი მოდიოდათ ეს ზოგიერთებს თუ განგებ ჩადიოდენ. ჩვენ ამ ნაირ პირობებში გადავწყვიტეთ, რომ ფულის გამოუგზავნელად არავის გაუგზავნოთ გაზეთი და აღარც ვგზავნით.

შეუძლო პირთ გაუადვილეთ გაზეთის გამოწერა ამ ნაირად: ერთი მანეთი უნდა გამო-

*) შემდეგ ამ სიტყვისა გარდახდილ იყო პანაშ. ვიდი და მისი სულის მოხსენების შემდეგ დარიგებული იყო შარაძის და მის ამხანაგთა გამოცემული წიგნები. ხალხი ბევრი იყო და დიდის სისწრაფით ეშურებოდნენ წიგნების მიღებას.

ეგზავნათ იანვრის პირველს, მეორე მანეთი აპრილის პირველს და მესამე მანეთი ივლისის პირველს. ზოგიერთმა ბლალაოჩინებმა მიიღეს ფულები სრულად მღვდლებისგან, მაგრამ გამოგზავნეს მარტო თითო მანეთი. შემდეგ პირველი აპრილისთვის აღარ გამოგზავნეს ფული თუმცა მათ ერთად მიიღეს მღვდლებისგან. ამისთვის გაზეთი აღარ ეგზავნება მათ. თუ ასე გაატანა წლის დამლევამდის, რასაკვირველია, ბლალაოჩინს შეეძინება ორი მანეთი და გაზეთის გამომწერს არაფერი!.. აქ რედაქცია სრულებით უბრალოა. გაზეთები ყველას მიღის თუმცა მოხდება ხოლმე ისიც, რომ ფოსტადიდათ თავს არ იწუხებს რომ ყველას თავ თავის დროს ჩააბაროს გამოწერილი გაზეთი.

შეზიკულება.

მაგარ რედაქტორ!

უმორჩილესად გთხოვთ თქვენი გაზეთის საშუალებით უღრმესი მადლობა გამოუტყნადოთ როგორც ჩემგან ისე ჩემი სამრევლოსაგან ვასილ ი. ბურჯანაძეს, რომელმაც შემოსწირა მეჩხეთურის ახალს ეკკლესიას მრავალ სანთლოვანი ხომლი, სამ თუმნად ღირებული, რაოდენ ბურჯანაძისას, რომელმაც შემოსწირა კანდელი, ღირებული ხუთ მანეთად, მალხაზ ბურჯანაძეს, შემომწირველს წმიდა გიორგის ხატის და ოლარისა, ღირებულისა არა ნაკლებ ერთი თუმნისა. აგრეთვე ყველა იმ პირთ, რომელთაც ამ ეკკლესიის კურთვევაზე შემოგწიენ ფულით, რაიცა შესგა სულ რვა თუმნამდე, და რომლითაც მოპოებულ იქმნა მშვენიერი ბარძიმი-ფეშხუმი ვერცხლის—მოოქრული და იმათაც რომელთაც დიდი შრომა და ხარჯი გასწიეს ამ ეკკლესიის აშენება-აგებაზე, განსაკუთრებით მნათეს მიქელა ნოზაძეს, რომელსაც მეტი ღვაწლი მიუძღვის ამ საქმეში ზედაშეს და სებისკვერსა და თავის თანამდებობასაც აგერ მეთორმეტეწელიწადია სამაგალითოდ ასრულებს:

საბაჟოს წმ. დიმიტრის და მეჩხეთურის ზედ მიწერილს ეკკლესიის მღვ. დ. ლოსაბერაძე.